

皇明末造錄

皇明末造錄

皇明末造录

一册

北京市中国书店出版
北京市新华书店发行

定价：十元

皇明末造錄上卷



舊京孤臣金鍾編輯

海濱遺民童木削定

東南紀畧

配弘光元年春正月朔百官朝賀夏四月清兵南犯督師
史可法分兵禦之斬首數百級總兵乙邦奇戰死邦奇
舊隸黃得功麾下拔之行伍中者二十四日清兵攻圍
揚州血書請援兵不報城陷督師內閣大學士兼兵部
尚書史可法死之原生兵部尚書張伯鯨被執不屈自
頸死妻楊氏妾郝氏同死五月初十日清兵渡江

帝出幸官民奔竄京城失守十一日吏部尚書張提都御史楊維垣自經死妾朱氏孔氏從死十二日欽天監單壺宮陳于階自經是日

駕駐太平府城外二十里十三日

上幸靖南侯黃得功軍先是左良玉出檄清君側引兵東犯得功奉命西拒良玉清兵因得過江是時得功駐師蕪湖

上猝至得功知大事已去慷慨赴闕降清叛將劉良佐引寇兵追至伙努射中得功喉得功拔劍自刎死

帝陷冠軍尋遇害崩中軍翁之琪投水死刑部尚書高倬

龍龕精舍錄存

戶部郎中劉成治自經署中十八日國子監吳可箕經
死鷄鳴山關廟中二十三日中書舍人龔建祥投秦淮
水中死中書舍人陳燠及其子舉人伯俞戶部主事吳
佳胤同日死禮部尚書錢謙益難髮叛降于清有小璫
死于秦淮河乞兒死于百川橋乞兒題詩橋上云三百
年來養士朝如何文武盡皆逃綱常留在旱田院乞丐
羞存命一條六月南直隸郡縣皆陷武進原任御史劉
光斗部郎莊應會叛迎清兵入城賣扇者歐敬竹布衣
石士鳳同投池中死之又一鄉民賣柴入城聞寇至棄
柴船躍入龍游河死五牧畜荆烏薛叟自縊死諸生董

元哲不食死江陰縣典陶應元陳明遇鄉紳戚勛貢士
黃毓琪倡義偕士民起兵城守延敵百戰斬清帥兩親
王馬步兵十萬餘級堅守百日力竭城陷陶應元陳明
遇戚勛合門死之一城士民皆殉節死蘇州諸生顧所
受正冠服哭文廟投泮池死原任少詹徐沂投虎邱後
池死原任游擊魯之璵及韋武韜戰死嘉定原任通政
使侯峒曾于城破時與子諸生侯玄演玄潔俱抗賊死
進士黃淳耀與兄淵耀及舉人張錫眉龔用圖俱自盡
宜興進士盧象觀起兵太湖與清兵力戰死常熟諸生
徐懌自經死諸生項志寧不食死諸生徐守質戰死崑

山貢士朱集璜城破被執不屈死故將王公揚年七十
戰死諸生陶琰自刎死原任狼山總兵王佐才為寇兵
殺死一家老幼俱被害松山原任中書李待問博羅知
縣章簡城破死吏部主事夏允彝投水死總兵吳志葵
黃蜚與賊戰敗被執不屈死華亭教諭睦明允不屈死
常州諸生吳福之徐安遠張某入太湖起兵戰敗死諸
生張龍文率鄉兵薄城戰死清兵至徽寧原任兵部侍
郎金聲督師戰守兵敗與武臣陳有功余元宣萬會吳
國禎被執不屈死之時太學黃道周自闕中率師來援
兵敗被執逆賊洪承疇欲生之罵賊而死清兵陷嘉湖

吏部郎中錢棟戰歿原任吏部尚書徐石麟自縊死其
僕祖敏徐錦同死冠至杭州原任行人陸培縊死錢塘
知縣顧延建不屈被殺知縣梁子埃亦死前所遣使臣
左懋第在北聞江南陷七日不食清攝政相見懋第麻
衣孝巾草屨向上長揖南面而坐攝政數以五罪懋第
正辭厲氣答之惟請一死攝政偏令薙髮堅執不回于
閏六月十九日害之從容題絕命詞云峽所策封歸路
紆片雲南下如何寸丹冷魄消難盡蕩作寒烟總不磨
叅謀主事陳用樞游擊王一斌張良佐王廷佐劉統五
人從死忽風起沙飛捲市棚于雲際一時罷市清兵據

杭州欲窺錢塘江大學士高弘圖不食死左都御史劉
宗周不食死有詩云留此旬日死少存匡濟意決此一
朝死了我平生事慷慨與從容何難亦何易紹興進士
鄭之尹子謙尊募兵二萬人叅將張名振縞素以張煌
言金鐘為叅軍合右都督王之仁御史朱長倩李長祥
及鄉紳方逢年余煌王思任柯夏卿謝三賓陳潛夫陳
涵輝孫嘉績熊汝霖沈廷揚等練兵措餉刻日集師西
興江上共圖恢復中原閏六月名振刺赤心報國四字
于背白石浦帶兵三千合新募萬人于十七日至蕭山
各紳士或帥師千人或三五百人不期而集者三萬五

十人合鄭謙等共得兵六萬四千先至錢塘江東岸以
次都御史祁彪佳戎政張國維都御史朱大典荆本澈
總兵方國安賀君瑤各率兵至黃斌卿以整備駐師舟
山未至七月初旬馬士英帶舟兵千餘自南京逃至鄉
紳吳鍾鑾錢肅樂朱永祐徐孚遠前後率兵至當是時
西興合兵十六萬人沿江百餘里分布三十六營壁壘
相望旌旗蔽空共立

高皇帝十世孫以海監國于紹興以次年丙戌為監國元
年文臣自原任戎政尚書張國維禮部尚書余煌總漕
都御史朱大典都御史祁彪佳荆本澈等武臣自原任

龍龕精舍錄存

總兵王之仁方國安王鳴謙等封賞有差張名振封富
平伯鄭謙尊封義興伯並賜金花錦緞羊酒以先衆倡
義起兵也命張國維為督師其子世鳳授平西將軍御
史陳潛夫加太僕卿監視諸軍張鵬翼以總兵封永豐
伯守衢州馬士英阮大鍼以所部隨營安插士英等猶
希用原任九江僉事王思任與書云政本閣臣可以走
乎兵部尚書可以逃乎又云欽令乘輿播遷社稷丘墟
公謀國至此即喙長三尺何以自解又曰吾越乃報仇
雪耻之鄉非藏垢納污之地云云衆議驅逐其人八月
清總督張存仁巡撫蕭起元令百姓薙髮難民逃竄隔

江男女爭渡溺死者甚衆寧紹紳士欲絕錢塘之渡以
防奸宄富平營監軍御史金鍾謂清以數十輕騎踰黃
河渡長江是必有一軍走襄陽武昌自上流而下需更
替于江南而後敢議圖吾浙矧擄掠貨財收降將卒多
人寇性猜疑此時計得之心不勝患失之慮今當任從
士民渡江來歸尚可三兩月無憂當乘彼大勢未定收
拾杭嘉若徒以西興一隅為守吾恐清人守杭既固則
越閩勢阻與江南中原聲息隔絕非上策也且近有進
士吳易共義民沈萬良及總兵黃蜚起兵於太湖相為
接應圖復甚易過此則無及矣衆然其說方國安以所

部兵五萬守嚴州錢江上流張鵬翼以所部兵萬人守
衢州王之仁以武寧伯統水師共名振水陸兵守西興
要地時

思文帝亦命黃斌卿領兵八千水船百號沙唬二百來
舟山防海上曾無一人率先過杭岸及八月隔江清兵
始立五營兩岸矢石交攻是月復於潛先是七月復當
陽九月九日名振率兵五千過江臨陣先登斬首五百
級追至城下次日剗圍公方國安率兵一萬過江清兵
三門並出自辰至午互有殺傷十五日螺螄門外一紫
衣將乘騎指揮安營名振令右營點放大砲連馬擊碎

接放大銃數十水陸並進遂斬首八百五十級清兵入
城閉門十餘日寂無一人至江岸十月初旬叛將田雄
張杰合清兵五萬餘人列十三營外立木城督師張國
維于十一日率總兵王國斌趙天祥接應追戰于草橋
門忽大風雨火炮弓矢不得發遂收兵前國監既立閏
六月十五日總兵鄭芝龍鄭彩等及福建巡撫張肯堂曹
學銓等擁立唐王即帝位改福州府為天興府以布政
司為大內改元隆武至是傳詔至急富貴者多欲赴閩
而人心始紛紛矣始名振自石浦至台州請魯王如紹
興至是監國下令返台州士民愈惶惶張國維疾馳至

紹議者謂唐王祖初封南陽王以父殽而失愛于祖而叔互謀奪嫡未請名及王祖端王薨守道陳奇瑜知府王之枉為之請嗣後以統兵勤王違祖制擅離南陽錮高牆赦出惟魯王始祖以

高皇帝第九子封于袁州世未有過削奪序住序親皆宜立且宗社稷起滄悴當主監國時越閩聲息阻絕原未計及閩之有唐王而閩人立之也于是國維上疏

思文帝謂國當大變凡為

高皇帝子孫所當同心併力成功之後入關者王監國退居藩服若以倫序叔姪分定在今日原未假易且監國

當人心奔散之日鳩聚為難一旦南拜正朔鞭長不及
馬腹猝然有變唇亡齒寒悔莫及臣老臣也豈若朝
秦暮楚之客國貴顯急功名而妄計天下大事者乎疏
上人心始定

丙戌隆武元年自正月至三月西興各營久守懈怠武寧侯
王之仁富平伯張名振各上箋監國言始事之日人人
有直取黃龍之心數月以來竟欲以錢塘為鴻溝天下
事尚忍言哉臣願以所隸兵將沉舟一戰今日欲死猶
戰而死他日即死恐不能戰也三月初二日清兵開堰以
船入江張國維王之仁張名振各統所部水師從江心